


*Sarajevska berza vrijednosnih papira – statistika August 2012.*

U avgustu 2012. godine na Sarajevskoj berzi-burzi ostvaren je ukupan promet od 22.923.751,17 KM, što čini 41,29% od ukupnog prometa koji je ostvaren na BH berzama. U sklopu 847 transakcija prometovano je 2.888.657 vrijednosnih papira.

*Promet po vrstama trgovine:*

Promet po vrstama trgovine	Promet (KM)	Promet (VP)	Broj transakcija
<b>BTS Trgovina</b>			
Redovna berzanska trgovina	6.750.512	2.183.872	829
Vanredne i posebne aukcije	616.390	123.278	1
Primarna trgovina	12.815.195	12.835	7
<b>Prijavljena trgovina</b>			
Paketi dionica	2.655.571	6.819	2
Vanberzanske transakcije	86.081	561.853	8
<b>Ukupno</b>	<b>22.923.751,17</b>	<b>2.888.657</b>	<b>847</b>

*Promet po danima:*

*Promet po tržišnim segmentima – redovna berzanska trgovina:*

	Promet (KM)	Promet (VP)	Broj transakcija
<b>Kotacija kompanija</b>	684.378	59.310	97
<b>Kotacija fondova</b>	433.075	103.455	138
<b>Kotacija obveznice</b>	1.176.564	1.828.085	201
<b>Primarno slobodno tržište</b>	1.669.139	83.042	280
<b>Sekundarno slobodno tržište</b>	2.768.634	106.236	94
<b>Tercijarno slobodno tržište</b>	18.720	3.744	19
<b>Ukupno:</b>	<b>6.750.512</b>	<b>2.183.872</b>	<b>829</b>

Koristeći infrastrukturu Sarajevske berze – burze, dana 28.08.2012. godine, održana je druga-ponovljena aukcija obveznica Federacije Bosne i Hercegovine. Metodom višestrukih cijena upisano je ukupno 12.835 obveznica, čime je za emitenta prikupljeno ukupno 12.815.195,895 KM.

Na Kotaciji kompanija ostvaren je promet dionicama emitenta "Bosnalijek" d.d. Sarajevo u iznosu od 684.378,01 KM što čini 10,14% od ukupno ostvarenog redovnog prometa. Zvanični kurs emitenta porastao je za 9,30% u odnosu na prethodni mjesec. Dionicama emitenta "Klas" d.d. Sarajevo, nije bilo zaključenih transakcija u avgustu 2012. godine. Na ovom segmentu tržišta prometovano je ukupno 59.310 dionica.

Na Kotaciji fondova, promet ostvaren u avgustu iznosio je 433.075,88 KM ili 6,42% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "MI Group" d.d. Sarajevo u iznosu od 188.848,09 KM, i mjesečnim padom kursa od 2,68%. Na drugom mjestu po prometu nalazi se emitent ZIF "Herbos fond" d.d. Mostar sa ostvarenim prometom od 66.556,80 KM, i mjesečnim padom kursa od 3,65%. Dionicama emitenta ZIF "Fortuna fond" d.d. Bihać koje su u avgustu doživjele pad vrijednosti od 5,49% trgovano je u obimu od 65.138,10 KM. Na ovom segmentu tržišta prometovano je ukupno 103.455 dionica.

Na Kotaciji obveznica, promet ostvaren u avgustu iznosio 1.176.564,36 KM ili 17,43% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 220.566,29 KM, dok je sa obveznicama stare devizne štednje FBiH ostvaren ukupan promet u iznosu od 955.998,07 KM. Na ovom segmentu tržišta u sklopu 201 transakcije prometovano je 1.828.085 obveznica.

Promet na Primarnom slobodnom tržištu iznosio 1.669.139,17 KM ili 24,73% od ukupno ostvarenog redovnog prometa. Najveći promet na Primarnom slobodnom tržištu u avgustu ostvaren je sa dionicama emitenta "RMU Kamengrad" d.d. Sanski Most u iznosu od 619.831,00 KM. Na drugom mjestu po ostvarenom prometu nalazi se emitent BH "Telecom" d.d. Sarajevo sa iznosom od 280.642,63 KM. Treće i četvrto mjesto zauzimaju "Pak Centar" d.d. Sarajevo sa prometom od 196.971,40 KM, te JP "Elektroprivreda BiH" d.d. Sarajevo sa ostvarenim prometom u iznosu od 172.294,18 KM.

Promet na Sekundarnom slobodnom tržištu iznosio je 2.768.634,75 KM ili 41,01% od ukupno ostvarenog redovnog prometa. Najveći promet na Sekundarnom slobodnom tržištu u avgustu ostvaren je sa dionicama emitenta "Dobrinja" d.d. Ilidža u iznosu od 2.057.905,22 KM. Na drugom mjestu po ostvarenom prometu nalazi se emitent "Elektro grupa" d.d. Jajce sa iznosom od 315.000,00 KM. Treće i četvrto mjesto zauzimaju "Remontmontaža" d.d. Tuzla sa prometom od 270.200,00 KM, te "Rudnik Željezne rude" d.d. Vareš sa ostvarenim prometom u iznosu od 50.809,33 KM.

Promet na Tercijarnom slobodnom tržištu iznosio je 18.720,00 KM; u sklopu 19 transakcija prometovano je 3.744 dionice.


Na Tržištu za emitente u stečaju nije bilo zaključenih transakcija.

	Kotacija kompanija	Kotacija fondova	Kotacija obveznica	Primarno slobodno tržište	Sekundarno slobodno tržište	Tercijarno slobodno tržište	Ukupno
<b>Promet (KM)</b>	684.378	433.075	1.176.564	1.669.139	2.768.634	18.720	6.750.512
<b>Prometovanih VP</b>	59.310	103.455	1.828.085	83.042	106.236	3.744	2.183.872
<b>Broj transakcija</b>	97	138	201	280	94	19	829

#### *Indeksi i tržišna kapitalizacija:*

Kod indeksa investicijskih fondova BIFX-a, u mjesecu avgustu, zabilježen je pad vrijednosti od 2,03%. Pala je i vrijednost indeksa SASX-10 za 0,81% u odnosu na prethodni mjesec. Vrijednost indeksa Primarnog Slobodnog tržišta SASX-30 porasla je za 0,14% u odnosu na prethodni mjesec.

Pokazatelj	Zadnji dan prethodnog perioda	Zadnji dan perioda	Promjena
Tržišna kapitalizacija	4.176.486.056,69	4.165.875.674,37	-0,25%
BIFX	1.449,49	1.420,12	-2,03%
SASX-10	686,72	681,13	-0,81%
SASX-30	896,71	897,93	0,14%



*Emitenti na SASE:*

<b>Ukupno emitenata</b>	173
<b>Minimalno jedna trgovina u periodu</b>	66
<b>Kotacija kompanija</b>	2
<b>Kotacija fondova</b>	11
<b>Primarno Slobodno tržište</b>	29
<b>Sekundarno Slobodno tržište</b>	108
<b>Tercijarno slobodno tržište</b>	17
<b>Emitenti u stečaju</b>	6
<b>Novo-uvrštenih emitenata</b>	3
<b>Obustava prometa</b>	6
<b>Opoziv obustave prometa</b>	4

*Promet po emitentima:*

Emitent	promet	broj transakcija	promjena kursa
<b>Dobrinja d.d. Ilidža</b>	2.057.905,22	13	-
<b>Bosnalijek d.d. Sarajevo</b>	684.378,01	97	9,30%
<b>RMU Kamengrad dd Sanski Most</b>	619.831,00	10	-0,52%
<b>Elektro grupa d.d. Jajce</b>	315.000,00	1	0,00%
<b>BH Telecom d.d. Sarajevo</b>	280.642,63	76	7,22%
<b>Remontmontaža dd Tuzla</b>	270.200,00	2	11,11%
<b>FBiH stara devizna štednja serija D</b>	197.871,62	14	0,00%
<b>Pak Centar d.d. Sarajevo</b>	196.971,40	25	12,88%
<b>FBiH stara devizna štednja serija E</b>	191.976,17	11	0,00%

ZIF MI Group dd Sarajevo	188.848,09	41	-2,68%
--------------------------	------------	----	--------


U avgustu 2012. godine na Sarajevskoj berzi bilo je prijavljeno 8 vanberzanskih transakcija i 2 paketa dionica u ukupnom iznosu od 2.741.653,10 KM.

Datum	emitent	cijena	Broj trgovanih VP	Vrijednost prometa	Broj transakcija
03.08.2012	VEMAL DD TEŠANJ	13,50	4.574	61.749,00	1
07.08.2012	HIDROMONTAŽA DD SARAJEVO	20,00	32	640,00	2
10.08.2012	ZIM DD ZENICA	1,98	519	1.027,62	1
14.08.2012.	VISPAK DD VISOKO	7,00	1.092	7.644,00	1
15.08.2012.	INTERŠPED TUZLA DD TUZLA	15,00	175	2.625,00	1
21.08.2012.	BOSNA REOSIGURANJE DD SARAJEVO	2.860,00	3	8.580,00	1
<b>Ukupno</b>			<b>6.819</b>	<b>86.081,62</b>	<b>8</b>


Struktura investitora:

	Kupovna strana	Prodajna strana
<b>Domaći investitori</b>	54,32%	66,59%
<b>Strani investitori</b>	0,10%	2,49%
<b>Skrbnički računi</b>	45,58%	30,92%

### Kupovna strana



### Prodajna strana



## *Vijesti sa tržišta kapitala*

- Na Zahtjev Vlade F BiH – Federalnog ministarstva finansija, na berzansko tržište - Kotaciju SASE, dana 24.08.2012. godine, uvršteni su vrijednosni papiri – obveznice Federacije BiH (druga emisija obveznica). Trgovina obveznicama putem berzanskog trgovinskog sistema (BTS) bila je moguća od ponedjeljka, 27. 08. 2012. godine.
- Obustavljena je trgovina dionicama emitenta „Pak Centar“ d.d. Sarajevo (simbol: PAKCRK3) na Primarnom slobodnom tržištu SASE, zbog promjene oblika društva. Broj vrijednosnih papira emitenta je 215.852, a nominalna vrijednost 15,00 KM.
- Dana 28.08.2012. godine održana je druga-ponovljena aukcija obveznica Federacije Bosne i Hercegovine. Metodom višestrukih cijena upisano je ukupno 12.835 obveznica, čime je za emitenta prikupljeno ukupno 12.815.195,895 KM.
- Komisija za vrijednosne papire FBiH od 02.08.2012. godine donijela je Rješenje kojim se odobrava tender ponuda za preuzimanje društva "Unisgal" dioničko društvo Konjic.
- Registar vrijednosnih papira u Federaciji BiH 22.08.2012, izvršio:
  - brisanje vrijednosnih papira: oznake RSTTR, ISIN broja: BARSTTR00001 , emitenta Rudnik soli TUZLA d.d. Tuzla , količine 1.519.152, nominalne vrijednosti jedne dionice 86,40 KM. ☒
  - upis novih vrijednosnih papira u sistem registracije Registra: oznake RSTTR, ISIN broja: BARSTTR00001 , emitenta Rudnik soli TUZLA d.d. Tuzla , količine 1.519.152, nominalne vrijednosti jedne dionice 85,10 KM.
- Dana 10.8.2012 Registar vrijednosnih papira u Federaciji BiH, izvršio:
  - brisanje vrijednosnih papira: oznake BJLSRK2, ISIN broja: BABJLSRK2005 , emitenta BJELAŠNICA DD HADŽIĆI , količine 300.623, nominalne vrijednosti jedne dionice 19,00 KM.  
UNNSRK1, ISIN broja: BAUNNSRK1006 , emitenta UNIONINVEST d.d. Sarajevo , količine 1.017.446, nominalne vrijednosti jedne dionice 10,00 KM.
  - upis novih vrijednosnih papira u sistem registracije Registra: oznake UNNSRK1, ISIN broja: BAUNNSRK1006 , emitenta UNIONINVEST d.d. Sarajevo , količine 996.914, nominalne vrijednosti jedne dionice 10,00 KM.  
oznake BJLSRK3, ISIN broja: BABJLSRK3003 , emitenta BJELAŠNICA DD HADŽIĆI , količine 15.0311, nominalne vrijednosti jedne dionice 38,00 KM.

- **Početna cijena za privatizaciju "Neretve" milion KM**

Kantonalna agencija za privatizaciju sarajevo objavila je javni poziv za prodaju 85,13 posto državnog kapitala u preduzeću "Neretva", koje se bavi izradom ortopedskih pomagala i trgovinom. Početna cijena za privatizaciju preduzeća je 1.047.954 KM, što je ujedno i najvažniji kriterij za vrednovanje ponuda. Od ponuđača se očekuje da u prvim godinama nakon sklapanja ugovora investiraju minimalno 700.000 maraka u adaptaciju i proširenje poslovnog prostora, u novu opremu za proizvodnju te u obrtna sredstva. Jedna od uslova jeste i zadržavanje 16 trenutno zaposlenih radnika i zapošljavanje najmanje deset novih radnika u roku od tri godine. Ponuđač treba da ima razrađen poslovni plan za ovu vrstu djelatnosti na period od tri godine, sa akcentom na osavremenjavanje proizvodnje ortopedskih pomagala i sprava.

Krajem 2011. godine kapital preduzeća je iznosio 1.230.845 KM, a poslovanje za prošlu godinu zaključeno je sa gubitkom od 43.871.

Ortopedsko preduzeće u svom vlasništvu ima nekretnine u Sarajevu, te poslovne prostore na Koševu uzete pod zakup do 2016. godine. Poziv za dostavljanje ponuda ostaje otvoren do 06. septembra 2012. godine.

- **Hidrogradnja: Povećani prihodi, smanjen gubitak**

Nadzorni odbor Hidrogradnje d.d. Sarajevo usvojio je na sjednici u četvrtak, 9. augusta, Izvještaj o polugodišnjem obračunu za 2012. godinu. Ukupni prihodi u prvih šest mjeseci ove godine iznosili su 13,2 milion KM što je za 89 posto više u odnosu na prvih šest mjeseci prošle godine. Ostvareni ukupni rashodi u prvih šest mjeseci 2012. godine iznosili su 15,9 miliona KM i veći su za 9,1 posto. U prvih šest mjeseci ove godine ostvaren je neto gubitak u iznosu od 2,7 miliona KM, dok je u istom periodu prošle godine gubitak iznosio 7,6 miliona KM. Nadzorni odbor je zadužio Upravu Hidrogradnje da hitno pripremi prijedlog mjera i aktivnosti kako bi u poslovanju do kraja godine bili eliminirani negativni finansijski efekti. "Hidrogradnja" trenutno upošljava 820 radnika od kojih je značajan dio angažiran na realizaciji projekata na koridoru Vc, saopćeno je iz ove kompanije.

- **Pet općina u programu upravljanja čvrstim otpadom**

Direktor Švedske agencije za međunarodni razvoj i suradnju (SIDA) u BiH i savjetnik u Švedskoj ambasadi Pelle Persson danas je u Sarajevu s predstavnicima pet općina u BiH potpisao sporazume o grant sredstvima za finansiranje poboljšanja upravljanja otpadom, u ukupnoj vrijednosti od 1,1 milion eura.

- **Dioničarima Borca prijeti sudski spor**

Iako je ugovor o privatizaciji raskinut u maju, neizvjesno je kada će FBiH vratiti svih 67 odsto vlasništva nad konfekcijom "Borac", jer 750 do 800 radnika i članova menadžmenta kompanije, koji su je privatizovali, nije prenijelo dionice na državu.

Istakavši ovo, u Agenciji za privatizaciju FBiH su kazali da je rok za prenos vlasništva istekao prije mjesec dana, te dodali da će pružiti još jednu priliku dioničarima da ispoštuju sporazum o raskidu ugovora, a onda će pokrenuti sudski spor za povrat dionica državi.

Konfekciju "Borac" privatizovala je ortačka grupa radnika i menadžmenta, a nakon privatizacije kompanija je podijeljena na tri firme, i to "Borac" u Travniku, "Borac" u Banovićima i "Borac" u Zenici, koji je završio u stečaju.

U travničkom "Borcu" očekuju da će vraćanje kapitala državi pomoći, jer bi time ušli pod okrilje Zakona o finansijskoj konsolidaciji i dobili sredstva koja bi pomogla u sanaciji.

U Agenciji za privatizaciju FBiH rekli su da je od 67 odsto privatizovanog kapitala "Borca" državi vraćeno i u registar upisano 51 odsto.

- **U toku je program restrukturiranja KTK Visoko**

Federalni ministar energije, rudarstva i industrije Erdal Trhulj izjavio je da je u toku program restrukturiranja KTK Visoko što je veoma važno za rješavanje problema u tom kombinatu. U izjavi za Fenu Trhulj je kazao da je održan sastanak s Upravom, Nadzornim odborom, predstavnicima Sindikata, te radnika tog kombinata od kojih su neki prije 18 mjeseci stekli uvjete za penziju, ali to pravo ne mogu ostvariti jer im nisu uplaćeni doprinosi za penzijsko-invalidsko osiguranje. Grupa tih radnika nedavno je ispred zgrade Vlade FBiH tražila da im se pomogne u rješavanju tog problema i da bi mogli početi primati penziju.

Trhulj je podsjetio da je sam postupak restrukturiranja urađen, da ga je usvojio Nadzorni odbor i podržala Vlada FBiH, te da su donesene odluke o objavi tendera u vezi prodaje dijela imovine. Iz tih sredstava bi se prioritetno rješavalo pitanje uvezivanja radnog staža koji je jedan od gorućih problema i riješila sudbina barem dijela tih radnika u KTK Visoko.

- **GRAS u minusu oko 20 miliona KM**

Kantonalno javno komunalno preduzeće za prijevoz putnika "GRAS" završilo je prošlu godinu sa minusom od 19,6 miliona maraka, što je za oko 10 posto manje nego godinu ranije. Skupština ovog preduzeća bi trebala sačiniti prijedlog sanacije gubitka i predložiti ga Vladi.

U izjavi za Centar za istraživačko novinarstvo iz Sarajeva (CIN) direktor preduzeća Haris Kadić kaže da su razlog gubitaka u poslovanju visoke plaće i veliki broj radnika u firmi, ali da se to neće smanjivati zbog dogovora kantonalne Vlade i Sindikata. On kaže da je u firmi nastao veliki



problem jer je smanjen topli obrok sa 12 na 8 KM. " Stojim pri tome da, ako doktor može imati sedam maraka toplog obroka, onda i radnik GRAS-a može imati osam", rekao je Kadić.

Kadić kaže da su gubici u poslovanju napravljeni i zbog "šverca" u javnom prijevozu, odnosno vožnje bez plaćanja karata, ali i nemogućnosti naplate kazne. Zbog šverca u GRAS-u trenutno postoji preko 620.000 prijava protiv putnika, a do sada nijedna nije procesuirana.

- **Uspješno održana druga aukcija obveznica FBiH**

Na drugoj aukciji obveznica Federacije Bosne i Hercegovine, održanoj 28.08.2012, a emitovanih 27. juna ove godine putem Sarajevske berze vrijednosnih papira, Federalno ministarstvo finansija je ponudilo na prodaju 12.835 petogodišnjih obveznica FBiH ukupne nominalne vrijednosti 12.835.000 KM. Kako se navodi u saopćenju Federalnog ministarstva finansija, prodato je svih 12.835 obveznica, što predstavlja 100 planiranog obima emisije.

Obveznice nominalne vrijednosti 1.000 KM po obveznici, s rokom dospijeca od pet godina i kuponom utvrđenim na prvoj aukciji u iznosu od 6,10 posto prodate su po prosječnoj ponderisanoj kamatnoj stopi od 6,10 posto na godišnjem nivou, a na naplatu dospijevaju 27. juna 2017. godine. Kamata na kupljene obveznice se isplaćuje polugodišnje. Najviša prihvaćena cijena iznosila je 99,9897, što predstavlja kamatnu stopu od 6,10 posto, dok je najniža prihvaćena cijena iznosila 99,5777 što predstavlja kamatnu stopu od 6,20 posto. Ponderisana prosječna prihvaćena cijena iznosila 99,8457 što predstavlja kamatnu stopu od 6,134 posto. Iznos prikupljenih sredstava na ovoj aukciji 12.815.195,90 KM je uvećan za iznos akumulirane kamate u iznosu od 134.767,50 KM što ukupno iznosi 12.949.963,40 KM.

- **Akumulacijski bazen riješit će mnoge probleme**

Na Hidroelektrani Mostarsko blato u tijeku su radovi na izgradnju akumulacijskog bazena. Kako se radovi na ovom objektu mogu vršiti isključivo u sušnom razdoblju godine, građevinski radnici su svakodnevno na terenu, unatoč ekstremnim temperaturama. Od devet građevinskih objekata koji su planirani u sklopu izgradnje HE Mostarsko blato, od 2010. do danas, ostala je izgradnja samo dva objekta odvodnog podzemnog kanala i akumulacijskog bazena.

Ukupna vrijednost ugovorenih radova kreće se oko 17 milijuna maraka. Prema programu izvođenja radova i vremenskom planu, rok za izvođenje ugovorenih radova je tri godine buduću da se radovi mogu izvodi samo u razdobljima sušnog vremena.